contrasmes aux approches des terres vn grand mast, & d'autres pieces du débris de quelques nauires perdus aux costes de France ou d'Angleterre. Quoy que c'en foit, ie ne voy qu'vn feul bien fur la mer, c'est que vous [3] estes à tous moments dans vne dependance de Dieu plus grande & plus immediate, pour ainsi dire; & par consequent plus douce que sur la terre: Mais poursuiuons nostre route, V. R. verra dans la fuitte de ce difcours, comme Dieu va exauçant les grandes prieres qu'on fait pour les pauures Sauuages, comme il va beniffant les fecours qu'on leur donne; mais elle verra aussi comme les Demons ne dorment pas, comme ils s'efforcent de tout perdre; ces maudits esprits voyans que leurs anciens sujets les quittent, que les ames fainctes, & que les grands de la terre & bien cheris du ciel, s'employent pour faire ouurir la porte à l'Euangile dans de vastes contrées que nous découurons tous les iours, remplies de Nations bien peuplées, & toutes fedentaires, arment tous leurs supposts tant qu'ils peuuent, pour détruire ce qui est si fainctement commencé, pour ruiner la Colonie Françoife, & pour fermer toutes les auenuës de falut à toutes ces ames qui n'ont iamais ouy parler de Iefus-Christ. Les Chapitres fuiuans feront voir les grandes oppositions qu'ils nous forment. Cependant ie confoleray vostre R. l'affurant [4] qu'elle a des fujets en ce Nouueau Monde, qui courent à grands pas à la faincteté: Dieu leur depart fes faueurs en abondance, les difficultés les animent, la difette est leur tresor, les dangers leur affurance, les fouffrances leurs delices, la mort en la Croix leur attente, & le Dieu des viuans leur grande recompense. I'espere qu'aussi-tost que ie me seray acquitté